



Broj:04-GV-02-367/18

Datum: 15.03.2018. godine

**ZAPISNIK**  
**O RADU 12. SJEDNICE KOMISIJE ZA SPOMENIKE**  
**GRADSKOG VIJEĆA**  
*održane 15.03.2018. godine*

Prisutni:

1. Enes Husejnović, predsjedavajući Komisije
2. Reuf Hafizović, član
3. Jasmin Smječanin, član
4. Nedim Dizdarević, član
5. Pavle Krstić, član
6. Lana Velić, članica

Odsutan : Sead Srna, zamjenik Predsjedavajućeg

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Sjednici prisustvovala:

- Senada Kočan, viši stručni saradnik u Gradskoj službi za urbano planiranje, investicijske, stambene i komunalne poslove- Odsjek za komunalne poslove

Predsjedavajući je otvorio 12. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu 11. sjednice Komisije za spomenike održane 24.01.2018. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Izvještaj o radu Gradskog vijeća Grada Sarajeva za 2017. godinu
2. Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine
3. Razmatranje Inicijative za pokretanje procedure izdavanja saglasnosti za izgradnju „Spomen obilježja Odred Lasta“
4. Tekuća pitanja

**TAČKA 1.**

*Izvještaj o radu Gradskog vijeća Grada Sarajeva za 2017. godinu*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike sugerira Gradskom vijeću da razmatra Izvještaj o radu Gradskog vijeća Grada Sarajeva za 2017. godinu kako je predložen.



## TAČKA 2.

### *Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike sugerira Gradskom vijeću da razmatra Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine kako je podnesen.

## TAČKA 3.

### *Razmatranje Inicijative za pokretanje procedure izdavanja saglasnosti za izgradnju „Spomen obilježja Odred Lasta“*

Poslije uvodnog izlaganja predstavnice nadležne službe, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike konstatira da je podizanje „Spomen obilježja Odred Lasta“ podizanje spomenika od interesa za Grad Sarajevo u skladu s članom 2. Odluke o podizanju spomenika od značaja za Grad Sarajevo („Službene novine Kantona Sarajevo“, broj 12/11 i 21/16).
2. Komisija za spomenike upućuje Gradonačelnika da, u skladu s gradskim propisom, obavijesti podnositelja zahtjeva o stavu Komisije iz zaključka broj 1. uputi ga na kompletiranje inicijative u skladu s članom 6. Odluke o podizanju spomenika od značaja za Grad Sarajevo („Službene novine Kantona Sarajevo“, broj 12/11 i 21/16), uz sljedeće konstatacije:
  - inicijativa nije upotpunjena podacima o načinu finansiranja za podizanje spomenika,
  - predložena lokacija nije u skladu s Elaboratom o podizanju spomenika od značaja za Grad Sarajevo, uz naznaku da je zemljište na kome se predlaže podizanje spomenika vezano za djelovanje ove jedinice, ali je u vlasništvu Univerziteta u Sarajevu,
  - idejno rješenje nije prezentirano tako da se jasno može utvrditi sadržaj teksta koji se predlaže.
3. Komisija za spomenike konstatira da je, prije daljeg razmatranja predložene lokacije, potrebno ostvariti suradnju s Rektoratom Univerziteta u Sarajevu i zatražiti saglasnost za podizanje spomenika na predloženoj lokaciji, a prije toga, u skladu s Elaboratom, potrebno je zatražiti mišljenje za podizanje spomenika i od Zavoda za planiranje razvoja Kantona Sarajevo i Zavoda za zaštitu kulturno historijskog i prirodnog nasljeđa Sarajevo, budući da Elaboratom nije predviđeno podizanje spomenika na predloženoj lokaciji.

## TAČKA 4.

### *Tekuća pitanja*

Poslije rasprave i sažetka Predsjedavajućeg, konstatirano je, odnosno jednoglasno zaključeno sljedeće:

1. Komisija za spomenike je konstatirala da je predstavnica Gradonačelnika upoznala članove Komisije da će primjerke Elaborata o spomenicima od značaja za Grad Sarajevo dobiti na sljedećoj sjednici Komisije.
2. Komisija za spomenike traži od Predsjedavajućeg Gradskog vijeća da uputi Komisiji inicijativu Gradskog vijeća za podizanje spomenika Kemal Montenu i Dariju Džamonji kako bi ih Komisija razmotrila i uputila u dalju proceduru.

ZAPISNIČAR

Mirjana Đanović Stanić

PREDSJEDAVALAČI KOMISIJE

Enes Husejnović, s.r.